



Portfolio projekta

SOCIJALNI DAN

Asocijacija srednjoškolaca Bosni i Hercegovini

O NAMA

Asocijacija srednjoškolaca u Bosni i Hercegovini (ASuBiH) je nevladina, nestranačka i nepolitička organizacija čiji je osnovni cilj poboljšanje statusa srednjoškolaca u zemlji te okuplja sve mlade koji pohađaju srednju školu na prostoru BiH.

ASuBiH je osnovana 4.11.2007. godine na Osnivačkoj generalnoj skupštini u Sarajevu podrškom preko 250 srednjoškolaca, predstavnika svojih srednjih škola iz cijele Bosne i Hercegovine.

Do sada je Asocijacija odradila veliki broj projekata kojim je uspjela obuhvatiti preko 13.000 srednjoškolaca iz svih područja Bosne i Hercegovine. ASuBiH se bavila edukacijom srednjoškolaca, označavanjem važnih datuma za srednjoškolce, međusobnom upoznavanju i druženju srednjoškolaca, saradnjom sa organizacijama i srednjoškolcima iz Evrope, itd.

ASuBiH je punopravni član **OBESSU-a (Organising Bureau of European School Student Unions)** kao mreže srednjoškolskih organizacija Evrope od 2009. godine. ASuBiH je do sada učestvovao na mnogobrojnim OBESSU događajima širom Evrope, a i organizovao neke u našoj državi. ASuBiH je punopravni član organizacije **Solidarity Action Day Movement in Europe (SAME) SAME-a** mreže koja okuplja evropske organizacije koje sprovode Socijalni Dan, te pruža podršku.

Misija

Povećati stepen uključenosti srednjoškolaca u procesu donošenja odluka koje poboljšavaju njihov status u društvu kroz upoznavanje sa pravima srednjoškolaca i zastupanje ideja svih srednjoškolaca u Bosni i Hercegovini koje doprinose poboljšanju njihovog života u zajednici.

Vizija

Svaki srednjoškolac u BiH učestvuje u procesu donošenja odluka koje se tiču srednjoškolaca!

Ciljevi

Međusobno povezivanje članova Udruženja sa ciljem unaprijeđivanja njihovog statusa u društvu, zaštite osnovnih prava i stvaranja boljih uvjeta života i obrazovanja.

Stvaranje mišljenja o problemima i ponašanju od općeg značaja za srednjoškolce i druge mlade, i kao takve predstaviti ih javnosti, vladinim, nevladinim i drugim relevantnim institucijama.

Zalaganje za poboljšanje položaja svakog pojedinog srednjoškolca u društvu i obrazovnom sustavu, i u svakom drugom pogledu. Razmjena iskustava, saznanja i informacija sa srodnim udruženjima i drugim nevladinim organizacijama u zemlji i inostranstvu.

Za više informacija posjetite našu stranicu www.asubih.ba i saznajte mnoštvo informacija o našem radu!

O SOCIJALNOM DANU


Socijalni dan je dan kada srednjoškolci dobiju priliku da odlaskom na radno mjesto steknu osjećaj za radnu atmosferu i upoznaju se sa osnovnim radnim procesima! Pruža im se prilika da teorijsko znanje primjene u praksi, ali i mogućnost da odlaskom na radno mjesto donesu odluku o njihovom budućem zanimanju.

Projekat sadrži mnogo korisnih rezultata za zajednicu. Za svako radno mjesto na kojem srednjoškolac volontira, poslodavac je dužan da uplati dnevnicu u Fond Socijalnog dana. Svrha ovog Fonda jeste da srednjoškolci volontirajući jedan dan prikupe novčana sredstva kojima će se financirati projekti njihovih vršnjaka u lokalnim zajednicama širom Bosne i Hercegovine. Na ovaj način dolazimo do zadovoljenja potreba mladih i zajednice jer firme ulažu sredstva u svoju zajednicu te njene ambiciozne mlade.

Fond Socijalnog dana srednjoškolcima daje priliku da identificiraju probleme koji se nalaze u njihovoj okolini te pišu projektni prijedlog za rješavanje istog kako bi ga riješili ili doprinijeli njegovom rješavanju u budućnosti. Na taj način oni sami već aktivno i odgovorno aktivistički djeluju u svojoj lokalnoj zajednici. Koriste svoju sposobnost da djeluju na promjene i ne čekaju da neko drugi riješi taj problem!

Socijalni dan je projekat koji provode mnoge omladinske organizacije u Evropi kao što je Italija, Njemačka, Danska, Srbija, Belgija, Norveška, i sl.

Svaka kompanija koja odluči biti partner na ovom projektu i da priliku srednjoškolcima da jedan dan provedu radeći u njihovim firmama u isto vrijeme investira u samu lokalnu zajednicu, ali i u mlade ljude koji će jednog dana postati nosioci cjelokupnog društva.



HISTORIJSKI PREGLED KONCEPTA SOCIJALNOG DANA

Koncept Solidarnog akcionog dana, odnosno Socijalnog dana, javlja se 1963. godine u Švedskoj, kada je grupa mladih ljudi pokrenula tzv. „en dag för Dag“ – „dan za Daga“. Ovaj dan obilježen je u znak sjećanja na švedskog generalnog sekretara Ujedinjenih naroda Daga Hammarskjölda, koji je poginuo u avionskoj nesreći na putu za pregovore o prekidu vatre u Kongu.

Ovaj koncept se brzo proširio po susjednim zemljama: sljedeće godine, 1964., prvo izdanje „Operasjon Dagsverk“ održano je u Norveškoj, a 1985. godine započela je Operation Dagsværk u Danskoj. Belgijanska organizacija YOUCA svoj Akcioni dan pokreće 2006. godine. U Italiji, 2006. godine, pojavljuje se organizacija Socijalni dan, a 2007. Operation Daywork stiže na sjever Italije, regiju

U srednjoj Evropi, njemačka organizacija Schüler Helfen Leben također je širila ovu ideju, nakon što je 1998. godine pokrenula vlastiti Socijalni dan. Oni su tu ideju prenijeli u jugoistočnu Evropu. Unija Srednjoškolaca Srbije održala je svoj prvi Dan solidarnosti 2010. u Srbiji, a zatim Asocijacija Srednjoškolaca u Bosni i Hercegovini 2016. u Bosni i Hercegovini i Unija Srednjoškolaca Crne Gore 2017. u Crnoj Gori.

SOLIDARITY ACTION DAY MOVEMENT IN EUROPE (SAME)

Solidarity Action Day Movement in Europe (SAME) označava „Pokret za akciju solidarnosti u Evropi“. Ovaj pokret uključuje nekoliko evropskih organizacija koje godišnje provode Akcioni/Socijalni dan. Tokom ovog dana učenici dobijaju priliku da svoje školske klupe zamijene radnim mjestom. Njihove plaće koriste se za podršku projektima koji koriste mladima širom svijeta.

U ljeto 2011. godine, nekoliko entuzijastičnih mladih ljudi iz sedam različitih organizacija sastalo se blizu Osla u Norveškoj. Sve ove organizacije djelovale su prema istom konceptu – učenici rade jedan dan umjesto da idu u školu i doniraju svoje plate vršnjacima iz cijelog svijeta.

Nakon ovog prvog sastanka, mreža se proširila i razvila iz neformalne grupe ljudi u službenu evropsku omladinsku organizaciju sa uredom u Lübecku (Njemačka). SAME trenutno broji devet članova, kao i nekoliko organizacija koje su u procesu organiziranja svog prvog Akcionog/Socijalnog dana.

Vizija

Kao aktivni građani, mladi ljudi djeluju solidarno sa svojim vršnjacima i zalažu se za demokratiju, jednakost, ljudska prava i međukulturno razumijevanje.

Misija

Pokret za akciju solidarnosti u Evropi (SAME) osnažuje mlade ljude da se čuju njihovi glasovi. Vjerujemo u moć mladih i potičemo ih da postanu pokretač društvenih promjena u svojoj lokalnoj i globalnoj zajednici.

Za više informacija o SAME-u i njihovom radu posjetite www.same-network.org!

SOCIJALNI DAN U ASuBiH-u





Inspirisani pričom zahvaljujući kojoj ASuBiH danas postoji, odlučili smo da i sami pokrenemo Socijalni dan i na taj način pružimo priliku našim srednjoškolicima da osjete klimu radnog prostora i uz to omoguće sebi i svojim vršnjacima da realizuju svoje ideje!

U našoj državi, srednjoškolci se susreću sa mnogim problemima unutar svojih lokalnih zajednica. Neki od problema koje su srednjoškolci izdvajali su nedostatak neformalnog obrazovanja, kulturnih i sportskih dešavanja, nedostatak prostora za mlade, zabrinjavajuća ekološka situacija, nedostatak prostora za izražavanje mladih, nedovoljno opremljeni kabineti u školama i slično. U tome se ogleda važnost Socijalnog dana - srednjoškolci imaju platformu za izražavanje svojih potreba i poboljšanje statusa srednjoškolaca u svojoj lokalnoj zajednici, kroz druženje i sticanje raznoraznih znanja.

Svoj prvi Socijalni dan ASuBiH je održao 2016. godine u mjesecu oktobru! Zahvaljujući uspješnoj realizaciji prvog Socijalnog dana, ASuBiH je od novembra 2017. godine punopravni član SAME-a i jedini predstavnik Bosne i Hercegovine u ovoj evropskoj mreži. Srednjoškolci su jedan dan izvan školskih klupa iskoristili na najbolji mogući način – radeći praktičan rad, neformalno učeći i pritom se jako dobro zabavljajući. Pozitivan utisak koji je ovaj dan ostavio na srednjoškolce očituje se kroz zahvalnost za ovu jedinstvenu priliku i želju za nastavkom projekta. A želja? Ispunjena je!

REZULTATI DOSADAŠNJIH REALIZACIJA SOCIJALNOG DANA

Asocijacija srednjoškolaca u BiH uspješno je realizovala četiri Socijalna dana. Rezultati su sljedeći:



Važno je napomenuti da smo od naših evropskih partnera dobili brojne pohvale, a još važnije od toga je da su mladi ljudi vidjeli da postoje uspješne firme u Bosni i Hercegovini koji pored toga što postižu vrhunske poslovne rezultate, također posluju i društveno odgovorno te ulažu nazad u svoju lokalnu zajednicu.

FOND SOCIJALNOG DANA

Fond Socijalnog dana predstavlja jako važan dio projekta, ali i same Asocijacije. Zahvaljujući Fondu Socijalnog dana, srednjoškolci imaju priliku za dobivanje podrške pri djelovanju na uočene probleme u lokalnim zajednicama.

Od prikupljenog iznosa u Fondu, 20% sredstava biva preusmjereno za operative troškove organizacije, a ostala sredstva se raspodjeljuju na osnovu javnog poziva. Zadovoljstvo nam je istaći da je u periodu od 2016. godine do danas kroz Fond podržano više od **80 srednjoškolskih projekata** širom BiH!

Ovim putem Vas pozivamo da se priključite ovoj pozitivnoj priči te da zajedno sa nama nastavite graditi zajednice koje podržavaju svoje mlade!

KONTAKTIRAJTE NAS!

Projektna koordinatorica

Almedina Išerić
almedina.iseric@asubih.ba
+387 61 808-747

Asocijacija srednjoškolaca u Bosni i Hercegovini

asubih@yahoo.com
+387 33 205-850